

7. Hið fulla nafn hvers skal tilfært, kyn og aldur; aldur manna skal telja eptir því ári, sem þeir hafa fyllt, og er því t. a. m. sá, sem er á 26. ári, talinn 25 ára, en ekki 26. Ef óskírð börn eru á heimilinu skal sagt til kyns þeirra («óskírður drengur» eða «óskírð stúlka»). Börn, sem eru á fyrsta árinu, teljast sem «eigi árgömul», Svo skal og tilgreina, hvort menn eru giptir eða ógiptir, ekkilar eða ekkjur, eða skilin hjónaskilnaði (þar með teljast þau hjón, sem skilin eru að borði og sæng) fæðingarstað þeirra, og hvernar trúar þeir eru, hvað þeir eru á heimilinu, nafnbót og embætti, atvinnuveg eða hvað annað þeir hafi til uppeldis sjer, eða hvort þeir eru á sveit. Hafi nokkur fleiri atvinnuvegi en einn, skal telja að hann lifi á þeim atvinnuveginum, er hann segist hafa mest viðurværi af. Um lausamenn skal þess og einuig getið, á hverju þeir einkum lifi.
8. Sje nokkur mál- og heyrnarlaus, heyrnarlaus eða blindur, það er að skilja svo, að hann vanti alla heyrn og sjón, fábjáni eða geðveikur, skal setja stryk undir nöfn þeirra, svo að tala þeirra sjáist ljósara, og skal svo setja þá í dálkana, sem til þess eru ætlaðir.
9. Þá, sem eigi eiga heima í þeirri sókn, þar sem þeir skulu taldir samkvæmt reglunni í 6. tölulið, skal tilfæra á aukaskýrsluna A. aptan við aðalskýrsluna, og skal tilgreint, hvar þeir eigi heima. Sje heimili þeirra á Íslandi, skal sú sókn (í því og því amti), þar sem þeir eiga heima, tilgreind, en ef þeir eiga heima erlendis, er nóg að tilfæra það land, sem þeir eru frá.
10. Þá menn, sem heyra til heimilisins eða eiga heima í húsi eða á bæ, þar sem talið er, en hafa verið utan sóknar nóttina milli þess 30. september og 1. október, skal tilfæra sjer á viðaukaskýrsluna B. aptan við aðalskýrsluna, og skal þar tilgreindur sá staður, þar sem þeir eru um stundar sakir, á sama hátt og áður var sagt (sókn, ef þeir eru innanlands, en ella það land, þar sem þeir dveljast).
11. Þegar hreppstjórinn hefir skrifað upp alla menn í sókninni, skal hann viðstöðulaust afhenda sóknarprestinum töfluna eða töflurnar, og skal prestur síðan semja fólks-tölutöflu yfir allt brauðið.

### R E G L U R <sup>1</sup>

fyrir því, hvernig semja eigi sóknatöflurnar yfir fólksfjöldann.

1. Undir eins og sóknarpresturinn hefir tekið við fólkestalsskýrslunum frá hreppstjórnun- 53 31. marz.  
um, skal hann gagnskoða þær sem bezt hann getur, til að ganga úr skugga um, að ekki sje hlaupið yfir neinn bæ eða hús, og allir sjeu meðtaldir, og að nákvæmlega sje skýrt frá öllu því, sem geta skal í skýrslunum, að svo miklu leyti hann getur sjeð. Verði hann einhverra galla var á skýrslunum, skal hann þegar láta leiðrjetta þá.
2. Því næst skal presturinn eptir skýrslum hreppstjórnanna semja sóknatöflur þær, sem hjer standa fyrir framan. Þetta verðar hægast með því móti, að jafnframt og presturinn les hreppstjóraskýrsluna, setji hann stryk fyrir hvern mann eða annað merki í dálki þeim, sem telja skal manninn; þegar þá að síðustu eru talin saman þessi merki, hefir maður þá tölu, sem standa á í hverjum dálki. Í því skyni eru ætluð hverri sókn þrenn töflubrjef; skal í eitt þeirra rita merkin, en í hin tvönn skal rita tölurnar, og skal annað þeirra geyma í embættis skjalasafni prestsins, en hitt skal senda prófasti. Að ekki sje hlaupið yfir neinn mann í 1., 2. og 3. töflu, má sjá á

1) Reglur þessar eru prentaðar á eyðublöðunum undir „fólkestalstöflur“ presta.

53.  
31. marz

- Því, að tölunni í hverri af þessum töflum beri saman við fólksfjöldann eptir hreppstjóraskýrslunum.
3. Í töflunni nr. 3 skal engan tilgreina nema á einum stað, en telja skal hvern einn í þeim flokki, sem helzti atvinnuvegur hans heyrir undir; þó bóndi t. a. m. sje smíður, eða róí til fiskjar á vertíðum, skal samt telja hann í 4. grein, ef kvikfjárroekt er helzti atvinnuvegur hans. Í dálkinn A. skal telja hvern þann, sem stendur fyrir atvinnuvegi, hvort það er karl eða kona, en í dálkinn B. alla aðra sem hafa framfærslu af atvinnuvegum, þó svo, að í seinni dálkinum, þar sem «Hjú» er ritað yfir, skal einungis telja vinnuhjú.
  4. Ekkjur eða stúlkur, sem halda áfram atvinnuvegi manna sinna eða feðra eða hafa annan atvinnuveg sjer, skal telja í dálkinum A. í 3. töflu.
  5. Hafi kona manns sjerstakan atvinnuveg, annan en maðurinn (t. a. m. yfirsetukonur) skal hún talin í dálkinum A í þeim flokki, sem atvinnuvegur hennar heyrir undir, og skal henni þá sleppt í dálkinum B.
  6. Þótt eigi sje þess getið í hreppstjóra skýrslunum, á hverju einhver lífi, skal þó eigi þegar telja hann í 10. flokk með þeim, sem ekki hafa ákveðinn atvinnuveg, heldur skal þess nákvæmlega gætt, hvort eigi megi telja hann í einhverjum af hinum flokkunum; svo er t. a. m. um konu, sem skilin er við mann sinn, en lifir þó einkum af styrk þeim, sem maðurinn veitir henni, að hana skal telja í dálkinum B. í þeim flokki, þar sem maður hennar er.
  7. Þegar prestur er búinn að semja sóknatöflurnar, skal hann senda þær prófastinum í prófastsdöminu ásamt hreppstjóraskýrslunum, sem hann hefir haft fyrir sjer. Ber prófastinum að gæta að, hvort gallar sjeu á töflunum, og sjeu þeir, skal hann senda þær aptur prestinum til leiðrjettingar; einkum skal prófastur sjá um, að tölunum í sóknatöflunum nr. 1 og 3 beri saman sín á milli og við fólkstöluna eptir hreppstjóraskýrslunum. Því næst skal hann senda sóknatöflurnar og hreppstjóraskýrslurnar úr öllu prófastsdömi sínu ásamt töflunum yfir sóknir sjálfs hans og uppskript á sóknunum í prófastsdöminu hið bráðasta til landshöfðingja, en eigi þarf hann að búa til töflur yfir allt prófastsdömið eptir sóknatöflunum.

54.  
31. marz. Eyðublöðin undir «skýrslur um fólkstal 1. dag októberm. 1880» innihalda þessa kafla og dálka:

1. Bøjanöfn og húsa.
2. Tala heimilanna á hverjum bæ eða í hverju húsi.
3. Númer.
4. Full nöfn allra heimamanna á hverjum bæ eða í hverju húsi. Óskirð börn tilfærast á þann hátt, að sagt sje til kyns barnsins (óskirður drengur eða óskirð stúlka).
5. Kyn, karlkyn (K) eða kvennkyn (Kv).
6. Aldur hvers eins; að eins full aldursár skulu með talin. Börn, sem eru á fyrsta árinu tilfærast sem «eigi árgömul».
7. Gipt (G.) ógipt (Ó.), ekkja (E.) eða skilið úr hjónabandi (S.).
8. Trúarbrögð.
9. Føðingarstaður (sókn og amt, eða land, ef føddur er utan Íslands).
10. Staða á heimilinu, húsbóndi, húsmóðir, börn, ættfólk, hjú, menn til húsa á heimilinu, nafnbót, embætti, starf, atvinnuvegur, eða á hverju þeir lifa, eða hvort þeir eru á sveit.